

Declaración Praelaturee personales de la Sagrada Congregación para los Obispos, sobre la Prelatura de la Santa Cruz y Opus Dei; 23- VIII-1982.

“El itinerario jurídico del Opus Dei. Historia y defensa de un carisma”. Libro escrito por A. de Fuenmayor, V. Gómez-Iglesias y J. L. Illanes

13/02/2012

AAS, 75 (1983), pp. 464-468.

ACTA SS. CONGREGATIONUM

SACRA CONGREGATIO PRO
EPISCOPIS

DECLARATIO

**De Praelatura Sanctae Crucis et
Operis Dei.**

Praelatura personales, quas ad "peculiaria opera pastoralia" perficienda Concilium Vaticanum II voluit (Decr. Presbyterorum Ordinis, n. 10 § 2) quaeque dein iuridicam obtinuerunt ordinationem in legibus pontificiis ad exsequenda eiusdem Concilii Decreta latis (cfr. Motu pr. Ecclesiae Sanctae, Pars 1, n. 4), aliud constituunt signum ac testimonium sollicitae illius curae qua

peculiaribus nostri temporis
necessitatibus in re pastorali atque in
suo evangelizationis munere
exercendo Ecclesia respondet.
Quamobrem pontificia decís io qua
"Opus Dei" in Praelaturam
personalem, sub nomine "Sanctae
Crucis et Operis Dei", erendum est,
apostolicae operositatis Ecclesiae
efficacitatem directe et imprimis
respicit; qua ratione ad effectum re
et opere adducitur novum
instrumentum pastorale, hactenus in
iure quidem desideratum ac
praevisum, idque fit per
institutionem quae probatas exhibit
cautiones quoad doctrinam,
disciplinam et apostolicum vigorem.

Simul vero, huiusmodi decisio "Operi
Dei" confert ecclesiam
ordinationem suo ipsius charismati
fundationali atque germanae
naturae sociali plene
accommodatam, ita ut, dum
problema eius institutionale apte

solvit, harmonicam insertionem
huius institutionis in actionem
pastoralem organicam Ecclesiae
universalis et Ecclesiarum localium
apprime compleat eflicaciusque eius
servitium reddat.

Ut clare patet ex normis Santae Sedis
istiusmodi Praelaturaे structuram
atque apostolicam operositatem
regentibus -congrua quidem servata
observantia legitimo Episcoporum
dioecesanorum iuri debita-, notae
praecipuae quibus constituta
Praelatura insignitur hae sunt:

I. Quod ad eius structuram attinet:

- a) Praelatura "Opus Dei" ambitu
internationalis est habenda;
Praelatus, qui est Ordinarius
proprius, sedem centralem cum suis
Consiliis Romae habet;
- b) Praelaturaे clerus, eidem
incardinatus, ex laicis provenit ipsi
incorporatis: nullus proinde

candidatus ad sacerdotium, diaconus vel presbyter Ecclesiis localibus subtrahitur;

c) illi laici -cum viri tum mulieres, sive caelibes sive matrimonio iuncti, ex qualibet professione vel condicione sociali- qui servitio finis apostolici Praelaturaे proprii sese dedicant, graves et qualificatas obligationes ad hoc assumentes, id efficiunt non vi votorum, sed vinculi contractualis iure definiti.

II. Praelatura "Opus Dei" est structura iurisdictionalis saecularis, et ideo:

a) clerici eidem incardinati quoad omnes effectus pertinent ad clerus saecularem, iuxta praescripta iuris generalis atque iuris Praelaturaे proprii; arctas igitur relationes fovent unitatis cum sacerdotibus saecularibus Ecclesiarum localium et, quod ad constitutionem attinet

Consiliorum presbyteralium, voce
activa et passiva gaudent;

b) laici Praelaturaee incorporati non
mutant suam condicionem
personalem, sive theologicam sive
canonicam, communium fidelium
laicorum, et qua tales in omnibus se
gerunt ac, reatpse, in exercitio suj
apostolatus;

c) spiritus ac finis "Operis Dei" in
lucem proferunt vim sanctificantem
ordinarii laboris professionalis
propriam, munus nempe sese in eo
absolvendo labore sanctificandi,
immo ipsum laborem sanctificandi
eumque convertendi in apostolatus
instrumentum; eorum ergo qui ad
Praelaturam pertinent opera et
apostolatus praecipue exercentur in
locis, adiunctis atque structuris
saecularis societatis propriis, attentis
normis generalibus quae pro
apostolatu laicorum dentur sive a

Sancaas Sede sive ab Episcopis dioecesanis;

d) quod ad optiones spectat in re professionali, sociali, politica, etc., laici fideles ad Praelaturam pertinentes, intra limites videlicet catholicae fidei et christianorum morum atque Ecclesiae disciplinae, eadem gaudent libertate qua ceteri fruuntur catholici,, quorum sunt concives: Praelatura igitur suorum membrorum labores profesionales, sociales, politicos, oeconomicos, etc., suos omnino non facit.

III. Relate ad Praelati potestatem:

a) ipsa est potestas ordinaria regiminis seu iurisdictionis, ad id circumscripta quod finem respicit Praelaturaे proprium, et ratione materiae substantialiter differt a iurisdictione quae, in ordinaria cura pastorali fidelium, Episcopis competit;

- b) praeter regimen proprii cleri, generalem secum fert directionem tum institutionis doctrinalis tum peculiaris curae spiritualis et apostolicae quas laici "Operi Dei" incorporati recipiunt, quo impensius ad Ecclesiae servitium sese dedant;
- c) simul cum iure incardinandi proprios candidatos ad sacerdotium, Praelatus obligatione tenetur curandi peculiarem eorum institutionem in Centris Praelatura, iuxta normas a competenti Sacra Congregatione latae, necnon vitam spiritualem ac permanentem institutionem eorum sacerdotum quos ipse ad sacros Ordines promoverit, ac praeterea eorum congruam sustentationem atque convenientem assistantiam ob infirmam valetudinem, senectutem, etc.;
- d) laici iurisdictioni Praelati obnoxii sunt in jis quae pertinent ad adimplectionem peculiarium

obligationum, vitam spiritualem,
doctrinalem institutionem atque
apostolatus exercitium
respicientium, quas ipsi libere sibi
sumpserunt vinculo deditiois ad
finem Praelaturaे proprium.

IV. Quoad dispositiones ecclesiasticas territoriales atque legitima Ordinariorum locorum jura:

- a) qui ad Praelaturam pertinent,
iuxta iuris praescripta, normis
territorialibus tenentur quae tum
dispositiones generales respiciunt
indolis doctrinalis, liturgicae ac
pastoralis tum leges ordini publico
consulentes; sacerdotes praeterea
generalem cleri disciplinam servare
debent;
- b) Praelaturaе sacerdotes facultates
ministeriales petere debent, a
competenti auctoritate territoriali
concedendas ut suum ministerium

erga personas ad "Opus Dei" non pertinentes exercere possint;

c) laici Praelatura "Operis Dei" incorporati fideles esse pergunt earum dioecesium in domicilium vel quasi-domicilium habent, et subsunt igitur iurisdictioni Episcopi dioecesani in jis omnibus quae iure statuuntur quoad communes fideles.

V. Quod ad pastoralem praeterea attinet coordinationem cum locorum Ordinariis atque ad proficuam insertionem Praelatura "Operis Dei" in Ecclesias locales, haec statuuntur:

a) ad unumquodque Praelatura Centrum erendum, praevia semper requiritur venia sui cuiusque Episcopi dioecesani, cuius est praeterea ad normam iuris visitare huiusmodi Centra, de quorum actuositate regulariter certior fit;

b) relate ad paroecias vel templas,
sive rectoralia sive non, aliaque
officia ecclesiastica quae ipsi
Praelatura vel sacerdotibus eidem
incardinatis a loci Ordinario
concredita sint, fiet singulis in
casibus conventio inter loci
Ordinarium et Praelatum "Operis
Dei" eiusve Vicarios;

c) omnibus in nationibus Praelatura
debitas relationes servabit cum
Praeside et organismis Conferentiae
episcopalis, necnon frequenter cum
Episcopis earum dioecesum in
quibus ipsa operatur.

VI. Cum Praelatura inseparabiliter
iungitur Societas Sacerdotalis
Sanctae Crucis, ad quam illi
sacerdotes e clero dioecesano
pertinere possunt, qui sanctitatem in
exercitio sui ministerii consequi
desiderent, iuxta spiritum et praxim
asceticam "Operis Dei". Vi tamen
huius adscriptionis ipsi non

efficiuntur membra cleri
Praelatura, sed quoad omnes
effectus sub regimine manent proprii
Ordinarii, quem, si id desideret, de
praedicta adscriptione certiorem
reddent.

VII. Praelatura dependet a Sacra
Congregatione pro Episcopis (cfr.
Const. A. Regimini Ecclesiae
universae, n. 49 § 1) et, haud secus
atque aliae iurisdictiones
autonomae, capacitate gaudet ut,
attenta materia de qua singulis in
casibus agatur, quaestiones tractet
cum competentibus Sanctae Sedis
Dicasteriis.

VIII. Per Sacram Congregationem pro
Episcopis, singulis quinquenniis
Praelatus Romano Pontifici subiicit
diligentem relationem de Praelatura
statu, sub respectu sive pastorali sive
iuridico, deque eius specifici laboris
apostolici exsecutione.

*Declarationem hanc de Praelatura
"Sanctae Crucis et Operis Dei"
Summus Pontifex Ioannes Paulus
divina Providentia Pp. II, inaudientia
concessa infrascripto Praefecto
Sacrae Congregationis pro Episcopis,
d. 5 m. augusti a. 1982, ratam habuit,
confirmavit atque evulgari iussit.*

Datum Romae, ex Aedibus Sacrae
Congregationis pro Episcopis, d. 23
m. augusti a. 1982.

+ SEBASTIANUS Card. BAGGIO,
Praefectus

+ Lucas Moreira Neves, Archiep. tit.
Feraditanus maior, *a Secretis*

A. de Fuenmayor, V. Gómez-
Iglesias y J. L. Illanes

opusdei.org/es-es/article/declaracion-praelatura-personales-de-la-sagrada-congregacion-para-los-obispos-sobre-la-prelatura-de-la-santa-cruz-y-opus-dei-23-viii-1982/ (20/06/2025)